

小爾雅義證

小爾雅義證自序

小爾雅者爾雅之羽翼六藝之緒餘也漢書藝文

雅並入孝經家揚子雲張稚讓劉彥和之倫皆以爾雅爲孔門所記以釋六藝之文者然則小爾雅猶是矣漢儒訓詁多本爾雅毛公傳詩鄭仲師馬季長注禮亦徃徃有與小爾雅合者特以不著書名後人疑其未經援及然如說文所引爾雅之寇則固明明在小爾雅矣其中如金烏之解公孫之僂請命之禮屬婦之名合符詩書深裨經誼沿及魏晉援據益彰李軌作解今雖不存而所注法言曼無邵美卽用雅訓是固足以名其學矣唐以後人取爲孔叢

子第十一篇世遂以孔叢之偽而并偽之而鄭氏之注水經李氏之注文選陸氏之音義孔賈之義疏小司馬之注史釋元應之譯經其所徵引核之今本粲然具存此可見孔叢本多刺取古籍而所取之小爾雅猶係完書未必多所竄亂也曩見東原戴氏橫施駁難僅有四科予既援引古義一一辨釋因復原本雅故區別條流又采輯經疏選注等所引通爲義證略存舊帙之彷彿間執後儒之訾議將有涉乎此者庶其取焉昔道光丁亥五月朔日

小爾雅義證卷一

涇 胡承

廣詁

淵懿遂隕深也

淵者說文云淵回水也荀子曰水深則回古人訓同者字多通故禮記月令淵澤井泉注云今月令淵爲深是也懿者毛詩幽風七月女執懿筐傳云懿筐深筐也楚辭逢尤懿風后兮受瑞圖王逸注云懿深也釋名云懿僂也言奧僂也奧僂亦深義大雅抑篇國語作懿毛傳抑訓密密亦深之義也文選洞簫賦注引曹大家列女

傳注曰應深邃也應與懿聲義同邃者說文云邃深遠也水經注深水下引呂忱曰深水一名邃水考工記輿人參分車廣去一以爲隧鄭司農云隧謂車輿深也後鄭云隧讀如邃字之邃說文云憊深也玉篇云憊意思深也隧憊邃皆字異而義同隳者易繫辭聖人有以見天下之隳京房許慎皆作噴後漢范式碑張平子碑祝陸碑亦作噴定四年左傳噴有煩言賈逵曰噴至也孔疏云易曰聖人有以見天下之噴謂見其至深之處噴亦深之義也荀子正名篇噴然而不亂楊倞注噴與隳同隳深也文選廬子諒答魏子悌詩清義貫幽隳陸士

銜演連珠是以天地之贖該於六位李善注並引小爾雅曰贖深也後漢書方術傳序皆所以探抽冥贖章懷注引小爾雅曰贖深也贖近本誤作頤今訂正

封巨莫莽艾祁大也

舊注封豕莫府祁寒皆言大也艾亦爲久

封者周頌烈文無封靡于爾邦商頌殷武封建厥福傳並云封大也文選七命蹙封豨李善注引小爾雅曰封大也案封與豐通邨谷風采葑采菲釋文云封亦作豐豐有大訓故封亦爲大矣巨者方言云巨大也齊采之間曰巨說文云鉅大剛也周禮鐘師肆夏呂叔玉注肆夏繁遏渠渠大也鉅渠巨皆聲近而義同唐釋元應一

切經音義卷三卷十卷二十五並引小爾雅曰巨大也
莫者莊二十八年左傳狄之廣莫莊子逍遙游篇廣莫
之野釋文引簡文注云莫大也淮南修務訓莫囂大心
撫其御之手高誘注云莫大也史記李廣列傳莫府省
文書索隱引小爾雅訓莫爲大方言云張小使大謂之
模郭注模音莫亦此義也莽者呂氏春秋知接篇何以
爲之莽莽也高誘注云莽莽長大貌淮南子原道訓是
故不道之道莽乎大哉案莽與巨同訓大故王莽字巨
君矣又案爾雅蟒王蛇郭璞曰虵之最大者故曰王蓋
蟒字从莽莽有大義故蟒爲大蛇矣一切經音義卷六

引小爾雅莽大也艾者廣言云艾老也爾雅釋木大而
馱楸疏引樊光注大者老也後漢書蘇章傳三輔號爲
大人注云大人長老之稱艾旣爲老亦得爲大義相成
耳禘者小雅吉日其禘孔有傳云禘大也

頌賦鋪敷布也

頌者說文云頌賦事也案頌與班通周禮大宰八曰匪
頌之式司農注頌讀爲班布之班爾雅釋詁班賦也郭
注謂布與廣雅釋詁云班布也張平子東京賦云布教
頌常賦者大雅烝民明命使賦傳云賦布也鋪者大雅
常武鋪敦淮瀆疏謂布陳敦厚之陳敷者禹貢禹敷土

周禮大司樂疏引鄭注尙書云敷布也案鋪敷布三字古皆通用襄十二年左傳引詩敷時釋思作鋪時釋思常武鋪敷淮濱釋文引韓詩作敷敷淮濱後漢書馮緄傳亦作敷敷淮濱禹貢禹敷土山海經海內經云禹敷是始布土商頌長發敷政優優成二年昭二十年左傳俱引作布政優優儀禮聘禮管人布幕於寢門外注云今文布爲敷一切經音義卷二引小爾雅頌賦敷布也卷二十二引小爾雅頌賦布也卷二十五引小爾雅頌敷布也文選西都賦桑麻鋪菜李善注引小爾雅鋪布也

蓋戴燾蒙冒覆也

蓋者釋名云蓋加也加物上也又曰蓋在上覆蓋人也
戴者釋名云戴載也載之於頭也孝經援神契曰抱戴
注云在上曰戴說文云分物得增益曰戴增益者物加
其上是戴與蓋義相同文選西都賦上反宇以蓋戴李
善注引小爾雅云蓋戴覆也後漢書班固傳注引同燾
者說文云燾溥覆照也禮記中庸無不覆幬注云幬或
作燾幬亦覆也方言云燾覆也又云燾戴也郭注此義
之反覆兩通者蒙者說文云冡覆也爾雅釋言釋文引
小爾雅云蒙覆也冒者說文云冒冡而前也考工記玉

人天子執冒四寸注云名玉曰冒者言德能覆蓋天下也

鍾崇府最積灌聚樸叢也

舊注詩灌木
械樸皆叢義

鍾者昭二十一年左傳器以鍾之二十八年傳天鍾美於是杜注並云鍾聚也文選陸士衡君子行福鍾恒有兆李善注引小爾雅云鍾聚也據此似小爾雅此條本以諸字並訓爲聚今本皆釋爲叢者雖二字本通疑傳寫者以聚與叢互易致誤耳崇者隱六年左傳芟夷蘊崇之僖二十四年傳棄德崇茲杜注並云崇聚也太元聚首陽不禁禦物相崇聚府者昭十二年左傳吾不爲

怨府杜注云怨禍之聚廣韻引風俗通云府聚也公卿
牧守道德之所聚也最者公羊隱元年傳會猶最也何
休注云最之爲言聚若今聚會爲投最樂記會以聚眾
注云聚或爲最史記股本紀大最樂戲于沙邱徐廣曰
最一作聚周本紀有周聚徐廣曰聚一作最文選鵬鳥
賦注引鷓冠子曰憂喜聚門聚或作最最亦聚也周南
葛覃釋文云叢俗作藜一本作最顏氏家訓書證篇云
江南詩古本皆爲藜聚之藜而古叢字似最字近世儒
生因改爲最解云木之最高長者眾家爾雅及解詩無
言此者案最當從說文作最說文最積也最犯取也本

爲二字後人多混最爲最最字遂廢蓋最本有聚義故
叢亦通作最史記功臣侯者年表蓼侯孔繁索隱引家
語作最此最字亦當作最是也顏氏徒謂叢字似最遂改爲最

斯不然矣文選西征賦注引字林云蕞聚貌蕞與最同
灌者大雅皇矣其灌其樹傳云灌叢生也爾雅釋木云
灌木叢木又云木族生爲灌詩疏引孫炎云族叢也樸
者方言云攢聚也楚謂之樸郭注云樸屬藜相著貌爾
雅釋木樸枹者詩疏引孫炎云樸屬叢生謂之枹說文
云美瀆美也从艸从升徐鉉曰一本注云艸眾多也兩
手奉之是煩瀆也徐鍇曰艸叢雜也廣韻樸草生莢也

說文蕘草多貌是穢與樸義略同文選江賦注引字林云薄叢生也薄樸聲相近

閱搜屨庀具也

閱者說文云閱具數於門中徐鍇繫傳云春秋傳曰大閱簡車馬也具數一一數之也一切經音義卷十卷二十四並引小爾雅閱具也搜者說文云搜取意也引詩東矢其搜玉篇云搜閱也案搜與蒐通公羊桓六年注比年簡徒謂之蒐三年簡車謂之閱五年大簡車徒謂之大蒐搜又與廋通禮記郊特牲注搜除處也釋文搜本又作廋周禮廋人注云廋之言數與說文閱具數義

同故搜亦爲具也履疑當作展周禮充人展牲則告牲
司農注云展具也禮記少儀主人展之以授使者注云
展省具也庀者周禮遂師庀其委積司農注云庀具也
庀通作比周禮大胥比樂官注云鄭大夫讀比爲庀庀
具也錄具樂官廣雅云訛具也訛與庀同

攻爲話相旬宰管匠治也

舊注話旬未詳餘皆常義

攻者周禮瘍醫以五毒攻之注云攻治也話疑當作詰
周禮大司馬制軍詰禁注云詰猶窮治也襄二十一年
左傳子盍詰盜杜注詰治也相者昭九年左傳火水妃
也而楚所相也杜注相治也楚之先祝融爲高辛氏火

正主治火事也旬者廣雅釋詁云旬治也周禮均人公
旬注云旬均也讀如當營原隰之營易坤爲均今書亦
有作旬者爾雅釋訓畇畇田也釋文引字林作均均墾
治也均旣爲治旬與均同故亦爲治矣宰者僖九年公
羊傳宰周公何休注云宰治也春秋繁露云三代改制
質文名相官曰宰故宰與相同爲治也營者小雅黍苗
召伯營之箋云營治也大雅江漢來旬來宣箋云旬當
爲營故營與旬同訓治匠者說文云均匠也方言廣雅
並云均治也

蠲被禋屑潔也

蠲者小雅天保吉蠲爲饎值云蠲絜也周禮官人除其
不蠲注云蠲猶潔也蠲通作圭周禮蜡氏大祭祀除不
蠲注云蠲讀爲吉圭惟饎之圭圭潔也漢書陳勝傳勝
故涓人將軍呂臣注云涓潔也涓人主潔除之人涓與
蠲音義亦同祓者說文云祓除惡祭也史記外戚世家
武帝祓霸上集解引徐廣曰臨水祓除謂之禊風俗通
祀典曰禊者絜也仲春之時于水禊除故事取于清絜
也禊者說文云禊潔祀也國語楚語云禊潔之服屑者
邶風谷風不我屑以傳云屑潔也

勿蔑微曼末沒無也

勿者古字與無通禮記月令毋敢詐僞呂氏春秋作勿
敢僞詐孟子勿奪其時荀子註引作無失其時史記張
丞相傳集解引高堂隆答魏朝訪云物無也物與勿同
蔑者易剝蔑貞凶釋文引馬注云蔑無也案蔑與無字
本通論語亡之命矣夫漢書宣元六王傳引作蔑之是
也微者邶風式微云微君之故小雅伐木微我弗顧傳
並云微無也曼者廣雅釋詁云曼無也法言重黎篇神
怪茫茫聖人曼云又五百篇周之人多行秦之人多病
行有之也病曼之也李軌注云多行由君存而有之多
病由君視之如無也又寡見篇云曼是爲也皆以曼爲

無案曼與無字亦通方言云蔓蕤蕤菁也陳楚之郊謂之蔓鄭注坊記云葑蔓菁也陳宋之間謂之葑蔓之爲蕤猶曼之爲無矣又案曼蔑亦一聲之轉一切經音義引聲類云篋蔓也今蜀土及關中皆謂竹篋爲蔓是其例也未沒者亦與蔑曼一聲之轉晉書乞伏暮末宋書又作乞佛茂蔓亦其例也

隆巢峻高也

隆者爾雅釋山宛中隆郭璞注云隆中央高荀子禮論云高者禮之隆也巢者說文云鳥在木上曰巢爾雅釋樂大笙謂之巢太平御覽引舍人注云大笙音聲叙而

高也成十六年左傳楚子登巢車以望晉軍說文作輶
云兵車高如巢以望敵也又云櫟澤中守草樓也廣雅
云巢高也輶櫟巢並從巢義岸者說文云岸水厓而高
者大雅皇矣誕先登于岸傳云岸高位也峻者說文作
俊云陵高也文選江賦峻湍崔嵬李善注引小爾雅曰
峻高也

逼尼附切局隣傅戚近也

逼者爾雅釋言云逼迫也說文云迫近也尼者說文云
尼從後近之爾雅釋言卽尼也郭注云尼者近也尸子
曰悅尼而來遠附者廣雅釋詁云附近也說文駢近也

與附同切者易剝六四象曰剝牀以膚切近災也局者
釋名云掬局也使相局近也又云曲局也相近局也文
選魏文帝與朝歌令吳質書塗路雖局守官有限李善
注引小爾雅曰局近也一切經音義卷二十五引小爾
雅局近也文選左太沖雜詩注引尸子曰八極爲局亦
以局爲近傅者考工記廬人重欲傅人注云傅近也釋
名云扶傅也傅近之也古人訓同者字多通襄十年遂
滅偃陽穀梁作傅陽是其證也戚者周書文酌解取戚
免桔大戒解惠戚戚服孔鼂注並云戚近也又廣雅云
戚近也戚與戚同

邵媠旨伐美也

邵者法言重黎篇種蠡不彊諫而山棲賢者不足邵也
李軌注云邵美也文選潘安仁河陽縣詩令名患不邵
皇甫謐豪士賦序身逾逸而名逾邵陸士衡演連珠是
以四族放而唐劭王簡棲頭陀寺碑身愈遠而名劭李
善注並引小爾雅曰劭美也劭與邵同媠者廣雅釋詁
云媠好也呂覽盡數篇甘水所多好與美人高誘注云
美亦好也伐者功之美也莊二十八年左傳且旌君伐
杜注伐功也公羊僖九年傳矜之者何猶云莫若我也
何休注云色自美大之貌矜與伐義略同是伐爲功之

美亦爲自美其功也

賢哀繁優饒夥多也

賢者說文云賢多才也呂覽順民篇則賢於千里之地
高誘注云賢猶多也又謹聽篇聽者自多而不得注云
自多自賢也哀者爾雅釋詁云哀多也又云哀聚也聚
亦衆多之義優者說文云優饒也小雅信南山旣優旣
渥釋文云說文作漫云澤多也案度尙碑持重漫於營
平優亦作漫饒者玉篇云饒多也禮記曲禮不饒富注
云富之言脩也脩而已勿多于禮也夥者方言云凡物
盛多齊宋之郊楚魏之際曰夥說文云齊謂多爲夥史

記陳涉世家客曰夥頤涉之爲王沈沈者索隱引服虔云楚人謂多爲夥文選上林賦萬物取夥李善注引小爾雅曰夥多也

幾蔡模臬法也

舊注蔡取者
施義亦法也

幾者法言先知篇或問爲政有幾注云幾要也周禮宰夫掌官法以治要案幾與畿通大學邦畿千里釋文云畿本作幾周禮大司馬注云畿猶限也釋名法逼也逼正使有所限也又案詩傳云程法也一切經音義云程猶限也程謂之法亦謂之限猶幾謂之限亦謂之法矣蔡者禹貢二百里蔡釋文引馬注云蔡法也受王者刑

法而已漢書地理志顏師古注正用馬訓模者說文云
模法也廣雅摹刑也刑與法同一切經音義卷二十五
引小爾雅模法也臬者說文云臬射準的也呂氏春秋
君守篇注云準法也說文又云墯射臬也廣雅云墯法
也考工記匠人建國置臬以縣眡以景注云繫古文臬
假借字於所平之地樹八尺之臬以縣正之眡之以其
景將以正四方也爾雅釋宮云在地者謂之臬郭注云
臬門槩也康誥曰汝陳時臬東晉孔傳訓臬爲法疏云
臬爲準限之義故爲法也

爰換變貿交更易也

爰者僖十五年左傳晉於是乎作爰田疏引服虔孔晁
皆云爰易也賞眾以田易其疆畔漢書食貨志曰歲耕
種者爲不易上田休一歲者爲一易中田休二歲者爲
再易下田休三歲更耕之自爰其處案爰田國語作輶
田注引賈逵云輶易也漢書地理志秦孝公用商君制
輶田開阡陌注引孟康曰輶爰同三年爰土易居古制
也說文作𧇗云𧇗田易居也換者說文云換易也案換
與爰聲相近大雅皇矣無然畔援漢書作畔換叙傳云
項氏畔換黜我巴漢注引孟康曰換易也不用義帝要
換易與高祖漢中也貿者說文云貿易財也文選吳季

重在元城與魏太子箋古今一揆先後不買注引小爾雅曰貿易也又任彥昇爲卜彬謝修卞忠貞墓啟云年世買遷注引廣雅曰貿易也案廣雅作馭不作易此亦是引小爾雅文也交者禮記坊記交相爲瘡注云交猶更公羊宣十二年傳云臣交易爲言一切經音義卷二十五引小爾雅買交易也更者儀禮大射儀更爵洗注云更易也燕禮易觶洗注云凡爵不相襲者於尊者言更自敵以下言易更作新易有故之辭是更與易對文則別散文則通也

生造秦詣進也

生者說文云生進也盤庚汝萬民乃不生生疏引王肅注云生生進進造者周禮大司寇以兩造禁民訟儀禮士喪禮造于西階下注並云造至也至與進義略同奏者說文云奏進也徐鍇繫傳引史記曰藺相如前奏缶玉篇云湊競進也公羊昭三十一年傳云賊至湊公寢而弑之湊與奏同詣者說文云詣候至也繫傳云徑候而詣之也鄭注曲禮云古者謂候爲進

索寒探裒鉤掠探略取也

此條以索寒以下並訓爲取近本脫取字今訂正索者方言云索取也自關而西曰索寒者寒與摻同說文摻

拔取也南楚語楚辭曰朝搴阰之木蘭今本楚辭作攀
爾雅釋言云攀取也攀又作撻方言云撻取也南楚曰
撻又曰楚謂之撻探者爾雅釋詁云探取也郭注探者
摸取也說文云探遠取之也哀者商頌殷武云哀荆之
旅釋文云哀或作攄謙象傳君子以哀多益寡釋文引
鄭荀董蜀才作攄虞翻注云攄取也說文云攄引取也
引詩原隰攄矣今小雅常棣作原隰哀矣鈎者說文云
鈎曲也徐鍇繫傳云古兵有鈎有鑲引來曰鈎推去曰
鑲荀子疆國篇勁魏鈎吾右楊倞注云鈎謂如鈎取物
也掠者說文云掠奪取也採經典皆作采說文云采持

取也略者方言云略求也就室曰搜於道曰略略強取也案略與掠音義同

開徹接通達也

開者文選鄒陽獄中上書雖竭精神欲開忠信李善注引小爾雅曰開達也徹者昭二年左傳徹命於執事注云徹達也釋名云達徹也接者儀禮鄉射禮兼挾乘矢大射儀挾乘矢注並云古文挾作接孟子挾貴而問注云挾接也是接本與挾通大雅大明使不挾四方傳云挾達也接又與浹通荀子解蔽篇雖億萬已不足以浹萬物之變楊倞注云浹或當爲接爾雅釋言云浹徹也

固厯彌宿舊尙久也

固者棄二十年前傳固聞之太平御覽引服虔注云固久也久聞太子欲爲亂案固本與故通論語固天縱之將聖論衡知實篇作故天縱之將聖國語周語咨於故實史記魯世家作咨於固實一切經音義卷二十四引小爾雅固久也厯者爾雅釋詁云艾厯也郭注長者多更厯小雅庭燎夜未艾傳云艾久也彌者說文作彌云彌久長也周書諡法解云彌久也墨子經篇云久彌異時也宿者廣雅釋言云宿留也爾雅釋詁云留久也莊子徐無鬼篇云枯槁之士宿名漢書韓安國傳云孝文

寤于兵之不可宿注云宿久留也舊者字本與久通無
逸舊勞于外舊爲小人史記魯世家舊皆作久說文舊
鴟舊山海經海外南經湯山有鴟久大荒南經蒼梧之
野有鴟久是也尙者呂覽古樂篇故樂之所由來者尙
矣高誘注云尙久也

彌愈滋強益也

彌者儀禮士冠禮三加彌尊注云彌猶益也文選魯靈
光殿賦歷千載而彌堅李善注引小爾雅曰彌益也愈
者小雅小明政事愈蹙箋云愈猶益也說文無愈字當
作逾一切經音義卷九兩引小爾雅此文一正作逾愈

又通作俞國語吳語若越聞俞章韋昭注云俞益也滋者說文云滋益也強者算法以有餘爲強有餘者益之義一切經音義卷六卷九並引小爾雅愈滋強益也

赫燁爽曉昕著讚曙明也

赫者衛風淇澳赫兮咺兮傳云赫有明德赫然燁者文選魯靈光殿賦赫燁燁而燭坤注云燁光明貌案洪範曰驛古文尙書作圖周禮疏引鄭注尙書云圖色澤而光明也方言云曙明也圖驛並與燁同一切經音義卷二十四引小爾雅赫燁明也燁近本作數今訂正曉者淮南倣真訓冥冥之中獨見曉焉昕者說文云昕旦明

也日將出也一切經音義卷三引小爾雅昕明也讚者
易說卦傳幽贊於神明而生蓍釋文云本或作讚韓康
伯注云贊明也臯陶謨思日贊贊襄哉疏引鄭注贊明
也言能贊明帝德案說文贊見也見有明義故訓爲明
曙者說文云曙旦明也文選魏都賦謝靈運詩注並引
說文作曙

階附襲就因也

階者文選南都賦高祖階其塗曹植應詔詩遵彼河澗
黃坂是階王元長永明十一年策秀才文斯路何階人
誰或可李善注並引小爾雅曰階因也又博奕論立身

者不階其術注引廣雅曰階因也案今廣雅無此語疑
亦是小爾雅也附者廣雅釋詁云依附也依與因同後
漢書陳寵傳不良吏得生因緣注云因緣謂依附以生
輕重也襲者禮記中庸下襲水土表記卜筮不相襲注
並云襲因也就者管子心術篇就其能者尹知章注云
就能而用故曰因也說文云因就也此互相訓

封畛際限疆略界也

封者周禮大司徒制其畿疆而封溝之注云封起土爲
界也畛者說文云畛井田間陌也文選陸士衡五等論
云封畛之制有隆焉爾者李善注引小爾雅曰封畛界

也略者莊二十一年左傳與之武公之略定四年傳封
矚土略注並云略界也文選魏都賦故將語子以神州
之略李善注引小爾雅曰略界也

承第班列次也

承者昭十三年左傳子產爭承注云承貢賦之次也國
語晉語驍射爲右以承公韋昭注云承次也第說文作
弟云弟韋束之次第也禮記曲禮正義引小爾雅云第
次也班者方言云班列也北燕曰班文選魏都賦班之
以里閭景福殿賦侯衛之班文賦考辭就班李善注並
引小爾雅曰班次也列者禮記禮運故事可列也注云

列興作有次第國語周語夫翟無列于王室韋昭注云
列位次也

戶俊格扈止也

舊注戶取其闐礙俊
取其改皆止之義

戶者宣十二年左傳屈蕩尸之唐石經尸作戶注云戶
止也俊者說文云俊止也昭九年傳云爲是俊而止格
者漢書梁孝王傳太后議格集注引張晏云格止也案
格字古通作假爾雅釋詁云假已也已與止同廣雅云
閣止也閣格聲近而義同扈者昭七年左傳扈民無淫
者也注云扈止也案扈本與戶通甘誓有扈氏史記夏
本紀正義扈作戶是也

幽曠暗昧冥也

幽者楚辭懷沙元文處幽兮王逸注云幽冥也曠者爾雅釋天陰而風爲曠詩疏引孫炎云雲風曠日光釋名云曠翳也言掩翳日光使不明也一切經音義卷一卷十七並引小爾雅幽曠暗昧冥也又卷二十四引小爾雅暗昧冥也

最凡目質要也

最者書中候乃拜稽首受最注云最要言也漢書嚴助傳願奉三年計最注引晉灼曰最凡要也周禮小宰聽出入以要會司農注云要會計最之簿書凡者說文云

凡最括也周禮司會注契其最凡也疏云最凡謂計要之多少以爲契要漢書霍去病傳最大將軍青凡七出擊匈奴注云最亦凡也周禮職金入其要注云要凡數也案凡近本誤作冗今訂正目者周禮箬人四曰箬目注云目謂事衆筮其要所當也周禮疏引鄭注論語請問其目云欲知其要管子君臣篇南面而受要尹知章注云要謂百吏之目也案目近本誤作自今訂正質者文六年左傳趙盾爲國政由質要注云質要契券也

疆窮充竟也

疆者幽風七月萬壽無疆傳云疆竟也案疆與竟本一

聲之轉漢書賈誼傳守衛捍敵之臣誠死城郭封疆賈子新書作封境荀子可炊而僮也注云僮當爲僵是其例也充者方言云幅廣爲充儀禮士冠禮廣終幅注云終充也案終與竟同充幅猶言竟一幅也

而乃爾若汝也

案汝本作女而乃爾若四字不獨訓女字亦皆通作女莊子外物篇召而來釋文云而本作女洪範謀及乃心史記宋世家作謀及女心小雅桑柔告爾憂恤誨爾序爵墨子尚賢篇引詩爾皆作女甘誓汝不共命墨子明鬼篇引作若不共命蓋四字以聲轉而變其實猶一字

耳

控彎挽引也

控者說文云控引也詩曰控于大邦匈奴名引弓控絃
文選魏都賦出控漳渠李善注引小爾雅曰控引也彎
者說文云彎持弓關矢也淮南原道訓彎綦衛之箭高
誘注云彎引也挽者爾雅釋訓釋文引聲類曰挽引也
又云挽本作輓說文云輓引之也一切經音義卷十引
小爾雅控彎挽引也又卷二十二引小爾雅控引挽也
卷二十三引小爾雅彎控挽引也此皆傳寫偶誤耳
承贊涼助佐也

承者哀十八年左傳請承注云承佐也呂氏春秋貴信篇莊子左搏桓公右抽劔以自承高誘注云承佐也案承通作丞孝經注前疑後丞釋文云本亦作承呂氏春秋介立篇爲之丞輔注云丞佐也涼者大雅大明涼彼武王傳云涼佐也涼通作亮詩釋文引韓詩亮彼武王云亮相也相與佐同書畢命正義引釋詁亮佐也今爾雅無此文蓋卽用小爾雅而易涼爲亮以就正文爾

尋由以用也

尋者莊二十八年左傳今令尹不尋諸仇讐僖五年傳將尋師焉昭元年傳日尋于戈注並云尋用也由者王

風君子陽陽右招我由房傳云由用也昭八年左傳疏
引爾雅由用也案今爾雅無此文當是小爾雅也以者
說文云以用也案以字古通作用呂刑報虜以威論衡
譴告篇作報虜用威小雅柔柔逝不以濯墨子尙賢篇
作鮮不用濯大雅板勿以爲笑荀子大略篇作勿用爲
笑

要捷集載成也

要者周禮司會以月要考月成禮記王制司會以歲之
成質於天子注云成計要也捷者周書謚法解捷克也
春秋宣八年經日中而克葬注云克成也集者小雅黍

苗我行既集箋云集猶成也載者國語周語奕世載德
又天地之所載也韋昭注並云載成也

肆赴捷疾也

肆者大雅大明肆伐大商皇矣是伐是肆傳並云肆疾
也赴者說文云赴趨也釋名云疾行曰趨趨赴也赴所
期也禮記少儀毋報往喪服小記報葬者報虞注並云
報讀赴疾之赴疏云赴猶急疾也玉篇云趨疾也廣雅
云趨行也一切經音義云乎疾也案趨乎與赴皆字異
而音義同捷者楚辭離騷夫惟捷徑以窘步王逸注云
捷疾也說文云是疾也廣雅捷疾也並與捷同

造之如適也

造者莊子山木篇愛已而造哀也釋文引司馬彪注云造適也之者禮記人之其所親愛而辟焉注云之適也說文云適之也宋魯語如者春秋本義引陸希聲左傳通例曰自此適彼曰如

掇督撫拾也

掇者周南芣苢薄言掇之傳云掇拾也說文云掇拾取也爾雅啜茹也郭注啜拾食之也啜與掇音義同督者幽風九月叔苴傳叔拾也叔與督同爾雅釋言云筑拾也金滕盡起而築之釋文云築本亦作筑馬鄭皆訓築

拾也釋名云築篤也篤又與督通昭二十二年左傳司馬督漢書古今人表作司馬篤是築築篤督數字皆通叔督築築皆訓拾此以聲爲義者也撫者說文徐鍇本云撫安也一曰掇也

肆子燼餘也

肆者方言云烈業餘也秦晉之間曰肆周南汝墳伐其條肆傳云肆餘也斬而復生曰肆案肆近本誤作肆今訂正子者方言云子餘也周鄭之間或曰子青徐楚之間曰子大雅雲漢周餘黎民靡有子遺燼者大雅桑柔具禍以燼箋云災餘曰燼成二年左傳請收合餘燼注

云燼火餘木也一切經音義卷十九卷二十四並引小爾雅燼餘也方言蓋餘也馬融長笛賦云蓋滯抗絕蓋與燼同

拓斥啟闢開也

拓者揚雄甘泉賦云拓迹開統太元元瑩云天地開闢宇宙拓坦玉篇云拓廣大也廣韻云拓開衣領說文繫傳引字書云拓張衣令大也方言云張小使大謂之廓張與開義相近拓廓拓皆聲近而義同斥者漢書惠帝紀注引如淳云斥開也啟者儀禮既夕記啟之昕外內不哭注云古文啟爲開儀禮士昏禮贊啟會注云今文

啟爲開闢者易繫辭傳闢戶謂之乾虞翻注云闢開也
費誓序東郊不開釋文開馬本作闢

杜實充牻塞也

杜者一切經音義引國語賈注曰杜塞也說文云敝閉
也或作劇廣雅坡塞也大雅絲篇度之薨薨韓詩云度
填也敝坡度並與杜同文選西京賦遠杜蹊塞李善注
引小爾雅曰杜塞也實者廣雅釋詁云實塞也臯陶謨
剛而塞史記夏本紀作剛而實充者邶風旄邱箋云充
耳塞耳也牻者海內北經禹厥之三仞三沮郭注云掘
塞之而土三沮陷也史記殷本紀充仞宮室淮南子本

經訓德交歸焉而莫之充忍也勿忍並與物同

實物滿也

實者小雅節南山有實其猗傳云實滿也物者大雅靈臺於物魚躍傳云物滿也史記司馬相如傳虛宮館而勿勿注云勿亦物也

獎率勵勸也

獎者方言云自關而西秦晉之間相勸曰獎文選謝靈運擬魏太子鄴中集詩客心非外獎江文通雜體詩得失非外獎任彥昇天監三年策秀才文宏獎之路諸葛武侯出師表當獎帥三軍注並引小爾雅曰獎勸也率

者周頌噫嘻率時農夫韓詩作帥時農夫周禮喪祝注云勸猶倡帥前引者是率有勸義勵者廣言云勵勉也禮記月令勉諸侯注云勉猶勸也一切經音義卷二卷二十二並引小爾雅獎率勵勸也

勸勉事力也

勸者國策宋策云許救甚勸高誘注云勸力也勉者公羊宣十五年傳注云勉猶努力事者爾雅釋詁云事勸也廣雅釋詁勸侑也晉書音義云侑與力同一切經音義卷六引小爾雅勸勉力也又卷十三引小爾雅勸勉事方之兒勸當作勸方當作力之貌二字誤

經屑省過也

屑者方言云屑屑不安也秦晉謂之屑屑又云屑往勞也郭注云屑屑往來皆劬勞也說文屑動作切切也動作往來皆經過之意省者方言云迹迹屑屑不安也秦晉或謂之省省郭注皆往來之貌也是省與屑義同案屑省既爲經過之過亦爲過失之過屑與洸通省與眚通書多士大淫洸有辭釋文引馬本作屑注云屑過也康誥非眚乃惟眚災潛夫論述赦篇引俱作省史記秦始皇本紀飾省宣義注云省過也是矣

闕缺間隙也

闕者昭二十年左傳以當其闕注云闕空也缺者說文云缺器破也廣雅釋詁云隙裂也破與裂義相近間者昭十三年左傳諸侯有間矣注云間隙也文選天台賦賦覺涉無之有間李善注引小爾雅曰間隙也

迭遞交更也

迭者說文云迭更迭也文選西京賦遞宿迭居文賦暨音聲之迭代陸士衡答賈長淵詩降及羣后迭毀迭興李善注並引小爾雅曰迭更也方言云更迭代也齊曰佚穀梁文十一年傳兄弟三人佚害中國范甯注云佚猶更也案佚迭古字通遞者爾雅釋言云遞迭也書疏

引李巡云遞者更迭交者禮記坊記交相爲瘡注云交猶更一切經音義卷十六引小爾雅遞迭遞更也迭當爲交之誤

燿剗沒滅也

燿者襄二十六年左傳王夷師燿注云吳楚之間謂火滅爲燿昭十三年左傳楚師燿注同剗者國策齊策剗而類高誘注云剗滅也沒者襄二十四年左傳何沒沒也注云沒沒沈滅之言

元黔驪黝黑也

黔者說文云黔黎也秦謂民爲黔首謂色黑也周謂之

黎民易曰爲黔喙文選班孟堅答賓戲云墨突不黔李
善注引小爾雅曰黔黑也案說文又云黧黃黑也玉篇
黧音巨炎巨今二切是黧黧與黔皆聲近而義略同驪
者說文云驪馬深黑色案驪雖從馬然凡黑者亦謂之
驪莊子列禦寇篇釋文云驪龍黑龍是也黝者說文云
黝微青黑色爾雅釋器云黑謂之黝

縞皓素白也

縞者鄭風東門縞衣綦巾傳云縞衣白色男服也後漢
書順帝紀注引小爾雅曰縞皓也案此所引疑脫白字
孟子嵩嵩乎不可尙已漢書司馬相如傳嵩然白首並

與縞同皓者唐風揚之水白石皓皓傳云皓皓潔白也
一切經音義卷二十一引小爾雅皓白也說文云顛白
兒引楚辭大招天白顛顛廣雅皤皤白也並與皓同一
切經音義卷十二又引小爾雅皓素白也

彤特緼赤也

一本緼下
多朱字

彤者說文云彤丹飾也凡經言彤弓彤矢彤管彤几彤
裳之屬皆是特者廣韻云特與駢同禮記郊特牲云牲
用駢尚赤也說文云埤赤剛土也廣雅云埤赤也並與
特同緼者曹風候人傳云一命緼芾釋文云緼赤黃色
淫溢沈滅沒也

淫者說文云久雨爲淫是沈沒之義方言云潛涵沈也
廣雅潛沈沒也案潛淫聲近而義同溢者說文云溢器
滿也爾雅釋詁溢盈也盈滿亦沈沒之義也沈者國策
秦策不沈者三板耳高誘注云沈沒也

載功物事也

載者周書諡法解載事也文選西京賦是以多識前代
之載劉越石勸進表每覽史籍觀之前載李善注並引
小爾雅曰載事也功者幽風七月載績武功傳云功事
也舜典惟時亮天功史記五帝紀作惟時相天事物者
大雅烝民有物有則傳云物事也

小爾雅義證卷二

涇 胡承珙

廣言

晏明陽也

晏者說文云晏天清也揚雄羽獵賦云天清日晏文選注引許慎淮南注云晏無雲之處也漢書郊祀志如淳注云日出清濟爲晏明者釋名云明陽也

盱晏晚也

盱者襄十四年左傳日盱不召服虔注云盱日晏也哀十三年傳日盱矣杜注云盱晚也晏者列子湯問篇晏

陰之間張湛注云晏晚暮也

算麗數也

算者說文云算數也一切經音義卷三引小爾雅算數也麗者說文方言並作敷云數也徐鍇說文繫傳曰詩云商之孫子其敷不億今詩借麗字大雅毛傳云麗數也

叟艾老也

叟者說文云叟老也釋名云叟老者稱也叟縮也人及物老皆縮小於舊也艾者方言艾長老也東齊魯衛之間凡尊老謂之叟或謂之艾禮記曲禮五十曰艾注云

艾老也疏引熊氏云中候運衡年耆旣艾中候織準哲
仲父年艾誰將逮政注並引七十曰艾今案周書諡法
解保民耆艾曰胡孔鼂注亦云七十曰艾古五字如七
或諸書本作五十傳寫誤作七十但艾旣與叟同爲尊
老之通稱則七十亦可稱艾不必定是五十鹽鐵論未
通篇五十已上曰艾老是也

僉皆同也

僉者方言云僉皆也自山而東五國之郊曰僉一切經
音義卷一卷三並引小爾雅僉同也

交校報也

交者禮記大行人歸賁以交諸侯之福注云交或往或來者也禮記樂記禮也者報也注云禮有往來往來是報復之義也校者僖二十三年左傳有人而校杜注校報也史記春申君傳足以校于秦矣

舒布展也

舒者方言云舒勃展也東齊之間凡展物謂之舒勃

揚翥舉也

揚者說文云揚飛舉也翥者說文云翥飛舉也方言云翥舉也楚謂之翥文選七啟翔爾鴻翥李善注引小爾雅曰翥舉也

索略求也

索者易說卦一索而得男釋文引王肅注云索求也禮記曲禮大夫以索牛注云索求得而用之略者方言云略求也就室曰按於道曰略

奚害何也

奚者一切經音義引蒼頡云奚何也害者周南葛覃害澣害否傳云害何也案害與曷同書湯誓時日曷喪孟子作害喪大誥予曷其不予前寧人圖功攸終予曷敢不予前寧人攸受休畢予曷敢不終朕敵漢書翟方進傳引俱作害說文云曷何也

里度居也

里者說文云里居也大雅度之薨薨又爰究爰度傳云云度居也案度與宅通堯典宅西曰昧谷周禮縫人注引作度西曰柳谷彛典五流有宅史記五帝紀作五流有度顧命恤宅宗後漢書班彪傳作恤度宗大雅宅是鎬京禮記坊記作度是鎬京又此惟與宅論衡初稟篇作此惟與度漢書韋元成傳先後茲度注引臣瓚曰古文宅度同爾雅釋言云宅居也周禮縫人疏云度亦居也

周浹匝也

浹者國語越語浹日而令大夫朝之韋昭注云浹匝也
案浹與挾通周禮大宰挾日而歛之釋文云挾字又作
浹于本作帀荀子禮論方皇周挾揚倅注挾帀也史記
作房皇周浹索隱云周浹猶周帀

充該備也

充者公羊桓四年傳三曰充君之庖何休注云充脩也
文選謝靈運入華子岡詩恒充俄頃用李善注引小爾
雅曰充脩也該者穀梁哀元年傳此該之變而道之也
范甯注云該脩也國語吳語執箕帚以該姓于王宮韋
昭注云該脩也案該與該同莊子齊物論該而存焉釋

文引小爾雅云賅備也

列厥陳也

厥者說文云厥陳輿服於庭也周禮司裘厥裘司服厥衣服大師帥誓而厥注並云故書厥爲淫司農注云淫讀爲厥厥陳也案厥近本訛作厥今訂正

輶駟輿也

案車式較內謂之輿禮記曲禮疏云輿車牀也明堂位注云鈎車有曲輿者也疏云輿則車牀是輿爲車身受載之處也輶者漢書景帝紀令長吏二千石車朱兩輶如淳曰輶小車兩屏也說文無輶字輶下云車耳反出

也周禮漆車藩蔽注云藩今時小車藩此皆謂在車兩旁爲屏蔽者輶藩並與輶同輶以內爲車箱廣雅云輶箱也車箱謂之輿故輶爲輿也輶者說文云輶輶也考工記輶人十分其輶之長以其一爲之當兔之圍注云輶當伏兔者也疏云當兔謂輿下當橫軸之處荀子禮論輿藏而馬反楊倞注云輿謂軼軸也軼軸有輿之名輶當軸者故亦可訓爲輿與

廢措置也

廢者周禮大宰三曰廢置以馭其吏公羊宣八年傳廢其無聲者何休注云廢置也置者不去也齊人語爾雅

釋詁廢舍也郭璞注云舍放置也方言云發舍車也案發與廢聲近而義同

駕乘凌也

駕者昭元年左傳猶詐晉而駕焉杜預注云駕猶陵也文選江賦乃溢涌而駕隈七發觀其所駕軼者李善注並引小爾雅曰駕陵也案陵與凌古字同乘者國語周語乘人不義韋昭注云乘陵也

收戢歛也

戢者小雅駕鴛戢其左翼箋云戢歛也案戢與輯同大雅公劉思輯用光孟子作戢禮記喪大記寢門之內輯

之注云輯歛也

禁錄也

錄者荀子脩身篇程役而不錄楊倞注云錄檢束也又榮辱篇鞫錄疾力注云鞫與拘同拘錄謂自檢束也禮記緇衣君子道人以言而禁人以行注云禁猶謹也說文遂謹也案遂與錄謹與禁聲義並相近

掌司主也

掌者周禮干寶注云凡言掌者主其事凌人掌冰注云杜子春讀掌冰爲主冰

偏贅屬也

偏者襄十九年左傳舉其偏杜預注云偏屬也襄三十年傳令尹之偏注云偏佐也儀禮覲禮偏駕不入王門注云在旁與已同曰偏凡言偏者有連屬之義故偏訓爲屬也贅者小雅桑柔具贅卒荒傳云贅屬也公羊襄十六年傳君若贅旒然何休注云贅繫屬之辭孟子大王屬其耆老尙書大傳曰贅其耆老

麗著思也

麗著訓思義未詳案文選吳都賦赤須蟬蛻而附麗劉淵林注引爾雅曰麗附也今爾雅無此文疑是引小爾雅近本思字蓋附字之訛

載略行也

載者堯典有能奮庸熙帝之載疏引鄭注云載行也略者隱五年左傳吾將略地焉杜預注云略總攝巡行之名宣十一年傳略基趾昭二十二年傳荀吳略東陽二十四年傳以略吳疆注並云略行也

沓襲合也

沓者楚辭天問天何所沓王逸注云沓合也文選羽獵賦天與地沓注引應劭亦云沓合也王褒洞簫賦云薄索合沓襲者禮記少儀劔則啟櫝蓋襲之注云襲卻合之淮南天文訓天地之襲精爲陰陽高誘注云襲合也

抵享當也

抵者呂氏春秋必已篇宋桓司馬有寶珠抵罪出亡高誘注云抵當也享與饗通饗又與嚮通洪範嚮用五福漢書谷永傳作饗用五福嚮有相當之義東晉古文尙書咸有一德傳云享當也正用此訓

庚徹道也

道一本作通

庚者笙詩序云由庚萬物得由其道也成十八年左傳以塞夷庚注云夷庚吳晉往來之要道徹者小雅十月之交天命不徹傳云徹道也爾雅釋訓云不徹不道也修舒長也

脩者方言云修長也陳楚之間曰修史記秦始皇紀云
德惠脩長舒者說文云舒伸也周髀算經從東至北日
益長故曰信伸與信古字通王符潛夫論愛日篇云治
國之日舒以長

校戰交也

校者列子周穆王篇幡校四時殷敬順釋文云校讀作
交說文廣雅並云佼交也小雅桑扈箋云交交猶佼佼
飛往來貌釋名佼交也與物交錯也佼佼並與校同戰
者說文云戰接也又云接交也

謁復白也

九二
謁者說文云謁白也國策秦策臣請謁其故高誘注云謁白也復者禮記曲禮願有復也注云復白也

敕質正也

敕者說文云敕誠也一曰雷地曰敕張參五經文字曰敕古勅字今相承皆用勅案說文勅勞也與敕義別易噬嗑明罰敕法釋文引字林作勅玉篇敕誠也今作勅古字又多借飭爲敕或作飾漢藝文志引易云明罰飭法史記五帝紀云信飭百官徐廣曰飭古勅字小雅六月戎車旣飭傳云飭正也呂氏春秋舉難篇難爲非則行飾高誘注云飾讀曰勅勅正也後漢書班固傳憚勅

天命也作勅文選典引則作敕蔡邕注云敕正也質者周禮詛祝以質邦國之劑信儀禮士冠禮質明行事禮記月令莫不質良注並云質正也

裔蔑末也

裔者說文云裔衣服也方言云裔末也蔑者方言云木細枝謂之杪江淮陳楚之間謂之蔑廣雅云懷末也文選沈約奏彈王源懷祖辱親注云懷與蔑古字同君奭文王蔑德疏引鄭注云蔑小也逸周書祭公解穆王言追學文武之蔑孔晁注云言已追學文武之微德微小皆末之義也近本裔作商案一切經音義云襄古文

齋同蓋本作衰傳寫誤作商耳今訂正

延衍散也

延者爾雅釋詁云延陳也方言云延徧也陳徧皆布散之意衍者文選東京賦仁風衍而外流薛綜注云衍布也案衍與羨通大雅板及爾游羨釋文羨本作衍文選封禪洊滴曼羨注引音義曰曼羨廣散也七發行溢漂疾波涌而騰起李善注引小爾雅曰衍散也

未沒終也

沒者案說文云沒沈也効終也本二字後世効通作沒經典多作沒或又作歿廣雅云歿終也

化辨別也

化者說文云化別也王風中谷有蕓有女化離傳云化別也辨者周禮小宰聽稱責以傳別司農注云傳別故書作傳辨是辨與別字本通

菲涼薄也

菲者方言云菲薄也涼者說文云涼薄也从水京聲又𠂔部𠂔事有不善言𠂔也爾雅𠂔薄也从𠂔京聲案今爾雅無此文許所引當卽漢書藝文志孝經家之小爾雅蓋古本作𠂔字故張揖著廣雅云𠂔薄也亦用此文後人以𠂔涼通用乃改爲涼字耳

復旋還也

復者國策齊策恐田忌欲以楚權復於齊高誘注云復還也說文云還復也旋者廣雅釋詁云旋還也

祖翼送也

祖者大雅韓奕韓侯出祖箋云祖將去而祀軼也儀禮既夕有司請祖期注云將行而飲酒曰祖衛風泉水飲餞于禰傳云祖而舍軼飲酒于其側曰餞大雅崧高箋云餞送行飲酒也祖與餞同事故亦訓送矣翼者周書多士非我小國敢弋殷命疏引鄭本作翼注云翼猶驅也易王用三驅驅者從禽之事鄭風大叔于田傳云從

禽曰送疏云送謂逐後文選注引倉頡云隨後曰驅是
驅與送義相近翼可訓驅故亦可訓送矣文選謝元暉
鼓吹曲凝笳翼高蓋疊鼓送華輶李善注引小爾雅曰
翼送也

走叩我也

走者文選東京賦走雖不敏薛綜注云走公子自言走
使之人如今言僕矣又詣蔣公奏記云下走爲首注引
應劭漢書注云走僕也叩者爾雅釋詁云叩我也郭注
叩猶媵也語之轉耳說文云媵女人自謂我也

姓命孳子也

姓者說文云姓人所生也古之神聖母感天而生子故稱天子白虎通云姓者生也人稟天氣所以生者也昭四年左傳問其姓注云問有子否疏云女生曰姓姓謂子也命者國語周語不亦瀆姓矣乎注引賈唐注云姓命也禮記祭法大凡生於天地之間者皆曰命論衡骨相篇云命謂初所稟得而生也命與姓義略同故亦得訓爲子也孛者小雅常棣樂爾妻孛傳云孛子也孛通作帑襄二十八年左傳疏云帑者細弱之名於人則妻子爲帑於鳥則鳥尾曰帑一切經音義卷二十二引小爾雅孛子也

諧顛和也

諧者襄十一年左傳如樂之和無所不諧周禮調人掌司萬民之難而諧和之顛者盤庚率顛眾咸某氏傳云顛和也正用此訓

俊寤覺也

俊者襄三十八年左傳亦無俊志注云俊改寤也寤者說文云寐覺而有信曰寤一切經音義引蒼頡云覺而有言曰寤說文信字當爲言字之誤周南關雎寤寐求之傳云寤覺也廣雅寤覺也寤與寤同

憾猜恨也

憾者禮記中庸人猶有所憾注云憾恨字案古字憾只作感成二年左傳朝夕釋憾唐石經作感漢書張安世傳何感而上書歸衛將軍富平侯印師古曰感恨也猜者方言云猜恨也說文云猜恨賊也玉篇云忮恨也猜忮聲近而義同一切經音義卷二十引小爾雅憾猜恨也

艾盡止也

艾者襄九年左傳大勞未艾杜預注云艾息也息與止

義同

攔餘也

擱者昭十八年左傳今執事擱然授兵登陣注云擱勁
忿貌方言云擱猛也晉魏之間曰擱說文側武兒也與
擱義同又木部櫛大木貌徐鍇繫傳云左傳擱然授兵
登陣擱者勁忿之貌與此字同音音疑當
作意然則此亦木
之高勁也

奸犯也

說文干犯也奸犯淫也古書亦多借奸爲干昭二十年
左傳是再奸也奸卽干字之借案文選海賦羣妖違迂
陸士衡贈尙書郎顧彥先詩淒風迂時序李蕭遠運命
論夫忠直之迂於主李善注並引小爾雅曰迂犯也又

阮藉五君詠詩立俗迂流議注引廣雅迂犯也今廣雅無此語當亦引小爾雅據此疑小爾雅本作迂不作奸或者以奸與迂同訓犯傳寫脫迂字耳

汨猾亂也

汨者說文云汨治水也古訓詁義有相反者故汨又訓亂也猾者書舜典蠻夷猾夏史記集解引鄭注云猾夏侵亂中國也猾又與滑通國語周語而滑夫二川之神韋昭注云滑亂也荀子成相篇無鉞滑楊倬注云滑與汨同莊子齊物論滑疑之耀音義云向本作汨

縮讀拙也

縮者國語周語縮取備物韋昭注云縮引也引與抽義相近小雅巷伯傳縮屋而去之正義云縮抽也案縮卽縮也廣雅釋詁云撈說文撈或作抽撈縮也此互相訓者讀者

衛風牆有茨傳云讀抽也箋云抽猶出也顏師古匡謬正俗云抽當爲籀籀讀也从竹搯聲搯卽古抽字惠定字云說文籀讀書也又手部搯或从抽大史公曰紬史記石室金縢之書紬亦讀抽也案籀本與繇通閔二年左傳成風聞成季之繇服虔注云繇抽也抽出吉凶也方言云抽讀也此亦互相訓也讀近刻說作續今訂正

暨捷及也

暨者公羊隱元年傳云會及暨皆與也穀梁昭七年傳云以外及內曰暨文選西征賦暨乎稔侯之忠孝淳深文賦暨音聲之迭代赭白馬賦暨明命之初基李善注並引小爾雅曰暨及也捷者漢書楊雄傳鳳皇翔於蓬階兮豈駕鵝之能捷注引晉灼云捷及也

苞跋本也

苞者檜風下泉浸彼苞稂傳商頌長發苞有三蘂箋並云苞本也案苞通作包禹貢草木漸包釋文云字或作苞易否繫于包桑釋文引陸注云包本也跋者禮記曲禮燭不見跋注云跋本正義引小爾雅云跋本也案說

文云芟草根也中山經云青要之山有草焉其本如橐
本西山經云皋塗之山有草焉其狀如橐芟郭璞注上
林賦云橐本橐芟也草本之爲芟猶燭本之爲跋矣

肆
肆者極也

肆者說文云肆極陳也昭十二年左傳昔穆王欲肆其
心杜預注云肆極也論語古之狂也肆集解引包注云
肆者極意敢言之也爾雅釋言肆力也郭注云肆極力
此皆以肆爲極也臬者康誥疏云臬爲準限之義昭十
二年左傳貢獻無極疏云極謂限極臬有限義故又訓
爲極也漢書司馬相如傳弦矢分甄壹什文穎注云所

射準的爲藝藝與臬通文六年左傳陳之藝極

睇題視也

睇者說文云睇目小視也南楚謂眇曰睇方言云睇眇也陳楚之間南楚之外曰睇易明夷夷于左股釋文引鄭注作睇云旁視曰睇題者小雅小宛題彼脊令傳云題視也箋云題之爲視睇也禮記大學顧諟天之明命注云諟或爲題東都賦弦不睇禽轡不詭遇注引說文云睇視也廣雅作不題禽不塊遇

犯肆突也

犯者國語周語其語犯韋昭注云犯陵犯人也荀子王

霸篇汗漫突盜以先之楊倞注云突謂相陵犯也肆者大雅皇矣是伐是肆傳云肆犯突也文十二年左傳若使輕者肆焉周禮疏引舊注云肆突也

束縻縛也

縻者說文云牛轡也案縻與靡通易中孚吾與爾靡之釋文云靡本作縻荀子正論藉靡縶舌楊倞注云靡繫縛也

肆從遂也

肆者周禮肆夏呂叔玉注云肆遂也大戴記夏小正狸子羣肆傳亦云肆遂也從者文選嵇叔夜與山巨源絕

交書注引國語賈注從遂也又閒居賦注引聲類云遂從意也禮記樂記率神而從天注云從順也周書常訓解云順政曰遂案遂近本訛作逐今訂正

放投棄也

放者說文云放逐也淮南修務訓放驩兜於崇山高誘注云放棄也投者方言云凡揮棄物淮汝之間謂之投小雅巷伯投畀豺虎傳云投棄也

莽蕪草也

莽者方言云莽草也南楚曰莽蕪者說文云蕪也呂覽任地篇大草不生高誘注云草穢也案蕪本草穢而訓

爲草猶萊說文云耕多草也而廣雅則云萊草也是其
例文選顏延年秋胡詩白露生庭蕪李善注引小爾雅
曰蕪草也

暴映曬也

近本曬也下有焮也二字案
本書無此文例今改歸下條

暴者方言云曬暴也凡暴五穀之類秦晉之間謂之曬
一切經音義卷二引小爾雅暴曬也又卷二十二引小
爾雅暴乾也按下文云煇乾也此所引乾字當爲曬字
之誤映者文選王仲宣詩注云映猶照也又引通俗文
云日陰曰映梁元帝纂要日在午曰亭在未曰映漢書
賈誼傳日中必焚注云焚謂暴曬之也顏氏家訓書證

篇云言日中時必須暴曬日在午未爲正中故映訓爲

曬與

焮晞也

近本以焮也連上爲句
晞字屬下爲句今訂正

焮者昭十八年左傳行火所焮杜預注云焮炙也焮亦
作炘玉篇云炘與焮同炙也熬也說文炘且明日將出
也徐鍇繫傳云炘猶焮也日炙物之貌說文又云炘讀
若希是焮與晞亦一聲之轉耳

焮乾也

近本作晞焮
乾也今訂正

焮者玉篇云焮亦晞字秦風蒹葭白露未晞傳云晞乾
也

迪迹蹈也

迪者爾雅釋詁云迪道也道本與蹈通荀子禮論道及士大夫史記道作蹈是也迹者楚辭天問昏微循迹王逸注云迹道也迹通作蹟爾雅釋訓不蹟不道也

衍演廣也

近本廣下多遠字文選西征賦注引演廣遠也案本篇無登二字爲訓釋之例今據七啟注引

演廣也爲證刪遠字

衍者易繫辭傳大衍之數五十釋文引王蜀注云衍廣也演者釋名云演延也言蔓延而廣也文選西征賦晉演義以獻說李善注引小爾雅演廣遠也七啟演聲色之妖靡李注引小爾雅曰演廣也

表從長也

表者說文云南北曰表廣雅云表長也從者史記周本紀正義云長爲從淮南覽冥訓縱橫間之高誘注云南與北合爲縱一切經音義引韓詩傳云南北曰從是從與表義正同一切經音義卷二引小爾雅從長也又卷六卷二十四並引小爾雅表從長也

荷揭擔也

荷本作何易噬嗑何校滅耳釋文引王肅注云何擔國語齊語云負任擔何方言云賀擔也自關而西隴冀以往謂之賀凡以驢馬駝駝載物者謂之負佗亦謂之賀

案何正字荷賀並假借字揭者說文云揭高舉也文選齊安陸昭王碑文注引司馬彪莊子注云揭擔也又說文云竭負舉也竭與揭義略同揭近本譌作揚今訂正一切經音義卷三引廣雅何揭擔也今廣雅無此語當卽小爾雅文又卷十四引小爾雅云柎揭擔也柎卽何之異文又卷十七引爾雅可揭擔也可卽何之省文又卷二十二卷二十四並引小爾雅何揭擔也

仍再也

仍者國語晉語晉仍無道韋昭注云仍重也廣雅釋言云重再也

徇肄也

邶風谷風既貽我肄傳云肄勞也昭十六年左傳莫知我肄杜注亦云肄勞也案肄與勤通爾雅釋詁勤勞也釋文云勤或作肄徇者太元馴徇其勞范望注云勤躬徇國也徇近本誤作徇肄近本誤作歸今並訂正

工官也

工者周頌臣工嗟嗟臣工傳儀禮少牢饋食禮皇尸命工祝注並云工官也堯典允釐百工史記五帝紀作信飭百官

稽考也

堯典曰若稽古帝堯魏志高貴鄉公紀云賈馬及肅皆以爲順考古道

顛殞也

顛者易雜卦傳大過顛也釋文引虞注云顛殞也楚辭厥首用夫顛隕說文隕从高下也

躋陞也

躋者公羊文二年傳云躋者何升也方言云躋登也東齊海岱之間謂之躋古登升字通衛風蠲蠨朝躋于西傳云躋升周禮眡祲鄭司農注云躋者升氣也廣韻躋與躋同

戕殘也

戕者公羊宣十八年傳戕郕子於郕者何殘賊而殺之也列子說符遂共盜而戕之殷敬順釋文云戕一本作殘

剽截也

剽說文作剽云剽絕也引夏書曰天用剽絕其命釋名云絕截也

辟除也

辟者文選上林賦注引韓詩章句云辟除也周禮喪祝及辟司農注云辟謂除菽塗禱也

恩惠也

恩者昭六年左傳主不恩寶杜注云恩惠也

謫責也

謫者方言云謫過也南楚以南凡相非議人謂之謫衛風北風室人交徧謫我傳云謫責也

間非也

舊注無
間言

間者方言云間非也論語人不間於其父母昆弟之言陳羣注云人不得有非間之言也皇侃疏亦云間猶非順退也

順者釋名云順循也漢書循循有退讓君子之風案順

與遜通易坤履霜堅冰至蓋言順也春秋繁露作蓋言
遜也爾雅釋言云遜遜也易雜卦傳遜則退也

抗禦也

抗者儀禮既夕抗木注云抗禦也抗通作亢宣十年左
傳而亢大國之討十五年傳結草以亢杜回注並云亢
禦也文選七啟形不抗手李善注引小爾雅曰抗禦也
一切經卷二十四引小爾雅禦抗也誤倒

斬取也

斬與斬通史記錯孫斬集解引徐廣曰斬一作斬案斬
者求也僖十五年左傳予取予求求與取義相成耳或

曰取疑恥字之譌莊十一年左傳服注恥而惡之曰訖
蚩戲也

蚩者文選西京賦注引蒼頡云蚩侮也一切經音義引
蒼頡云蚩笑也說文云炊炊戲笑貌文選文賦或受炊
於拙目注云炊笑也炊與蚩同一切經音義卷二十一
卷二十二卷二十五並引小爾雅蚩戲也

褊狹也

褊者廣雅釋詁褊陋也陋與狹同楚辭初放云淺智褊
能兮王逸注云褊狹也

恭忌也

舊注趙襄
子恭智伯

三
三
慙者說文心部云慙毒也周書云來就慙慙今書無此
語言部蕃忌也引周書曰上不蕃于凶德今周書多方
作爾尙不忌于凶德此蓋書本作蕃後人誤以訓詁字
代經文耳案忌與毒義相近故慙亦可訓忌哀元年左
傳少康慙澆二十七年傳趙襄子慙知伯皆其義也

沮疑也

沮者逸周書文酌解云聚疑沮事案沮與阻同廣雅釋
言云阻疑也閔二年左傳狂夫阻之注云阻疑也

虧損也

虧者說文云虧氣損也淮南精神訓無天下不虧其性

高誘注云虧損也

毀壞也

判散也

判者周頌訪落繼猶判渙傳云判分也邶風匏有苦葉
迨冰未泮傳云泮散也判與泮同

蔽斷也

蔽者昭十四年左傳叔魚蔽罪邢侯哀十八年傳惟能
蔽志杜注並云蔽斷也周禮大宰以弊邦治小宰弊羣
吏之治眡禮歲終則弊其事注並云弊斷也案蔽本與
弊通襄二十七年左傳以誣道蔽諸侯釋文云蔽本作

弊

交俱也

交者國語晉語苟交利而得寵國策秦策與秦交而舍
章昭高誘注並云交俱也

俘罰也

俘者文選注引國語賈注云伐國取人曰俘案伐本與
罰通史記律書北至于罰罰者言萬物氣奪可伐也是
伐與罰同故俘亦可訓罰淮南道應訓請俘君高誘注
云俘罰也禮記投壺若是者俘注云晏子春秋曰酌者
奉觴而進曰君令俘晏子時以罰梁邱據正義引小爾

雅云浮爵也據此疑今本脫浮字

夷傷也

夷者易序卦傳云夷者傷也哀元年左傳無面傷周禮
大祝注引作無面夷

枳害也

枳者尙書大傳云不赦有過謂之賊逆率過以小謂之
枳山海經西山經浮山多盼木枳葉而無傷郭注枳刺
箴也能傷人故名云說文痕歐傷也痕枳聲相同傷害
義相近說文云害傷也

締閉也

締者說文云締結不解也呂覽君守篇魯鄙人遺宋元
王閉高誘注云閉結不解也淮南人間訓夫兒說之巧
於閉結無不解

靡細也

靡者方言云靡靡細好也又云東齊布帛之細者曰綾
秦晉曰靡禮記月令靡草死疏云以其枝葉靡細故云
靡草楚辭離騷精瓊靡以爲糈王逸注云靡屑也廣雅
云糜糲也糲與屑同玉屑謂之糜米麥糲謂之糜皆取
細碎之義又一切經音義引三蒼云糜微也列子湯問
篇江浦之間有麼蟲張湛注云麼細也文選答賓戲注

引通俗文云細小曰麼案麼與靡亦一聲之轉文選魯
靈光殿賦何宏麗之靡靡李善注引小爾雅曰靡細也
辨使也

辨者爾雅釋詁云俾使也俾辨聲之轉書序王俾榮伯
作賄肅慎之命釋文云俾馬本作辨酒誥勿辨乃司某
氏傳訓辨爲使用小爾雅文又案爾雅釋詁扞使也字
又作倅洛誥云倅來馬注尙書平秩東作平作萃云萃
使也周禮車僕掌萃車之倅注云故書萃作平平辨字
本通堯典平章百姓後漢書劉愷傳注引作辨章是也
牧臨也

牧者方言云牧司也又云監牧察也是牧與監義略同
說文云監臨下也周禮眠稷司農注云監謂雲氣臨日
也監謂之臨亦謂之察故牧謂之察亦謂之臨矣文選
盧子諒贈劉琨詩來牧幽都李善注引小爾雅曰牧臨
也

嘗試也

嘗者禮記檀弓盍嘗問焉注云嘗猶試也一切經音義
卷六引小爾雅嘗試也

賴羸也

賴者說文云賴羸也徐鍇繫傳云晉灼注史記無賴曰

江湖間謂小兒無利入於家曰無賴利卽贏也國語齊語相示以賴晉語已賴其地韋昭注並云賴贏也

若乃也

嗟發聲也

嗟者爾雅釋詁云嗟咨也文選注引舊注云嗟楚人發語端也釋名云嗟佐也言之不足以盡意故發此聲以自佐也文選西京賦嗟內顧之所觀李善注引小雅曰嗟發聲也案西都賦度宏規而大起李善注又云度或爲慶慶與羌古字通小爾雅曰羌發聲也據此疑此條別有羌字與嗟同訓傳寫者脫之耳

奏爲也

奏者小雅六月以奏膚功傳云奏爲也

振救也

振者說文云振舉救也文選赭白馬賦振民隱修國章
李善注引小爾雅曰振救也一切經音義卷四卷七卷
十卷十一卷二十二並引小爾雅振救也

庸償也

庸疑當作庚禮記檀弓請庚之注云庚償也庚又作更
周官馬質馬死則旬之內更鄭眾注云更猶償也又作
賡管子國蓄篇愚者有不賡本之事尹知章注云賡猶

償也賡與庸字相近而誤耳

買價也

賈者說文云賈市也一云坐賣售也周禮天官賈人注云賈主市買知物價儀禮聘禮賈人西面坐啟櫝注云賈人在官知物價者

贍足也

贍者文選西征賦注引字書云贍足也古贍字多作澹文選謝靈運石壁精舍還湖中詩注引許慎淮南注云澹猶足也上林賦悉爲農郊以贍萌隸李善注引小爾雅曰贍足也

曹偶也

曹者楚辭招魂分曹並進王逸注云曹偶也史記扁鵲倉公列傳曹偶可人索隱云曹偶猶等輩也

麗兩也

麗者周禮按人麗馬一圉注云麗耦也詩千旄正義引王肅云古者一轅之車夏后氏駕兩馬謂之麗儀禮士昏禮儷皮注云儷兩也禮記曲禮離坐離立注云離兩也公羊桓二年傳離不言會注云二國會曰離儷離並與麗同

驟數也

驟者說文云馬疾步也文十四年左傳公子商人驟施于國宣三年傳宣子驟諫服注並云驟數也

逞快也

逞者方言云逞快也自山而東或曰逞又云逞快也自關而東或曰逞一切經音義卷二十五引小爾雅逞快也

越遠也

越者說文云越度也襄十四年左傳越在他竟杜預注云越遠也方言云物邈離也楚謂之越或謂之遠

姑且也

姑者周南卷耳我姑酌彼金罍傳云姑且也方言盥且也廣雅嫜且也皆與姑字假借通用

哿可也

哿者說文云哿可也小雅正月哿矣富人

釋解也

庸善也

庸者中庸正義引鄭目錄云中庸者以其記中和之爲用也庸用也案此雖訓庸爲用然中庸云喜怒哀樂之未發謂之中發而皆中節謂之和是和者中之用中庸猶言中和一切經音義卷二十三引廣雅云庸和也高

誘注呂覽貴公篇云善猶和也善與和義相近故庸亦訓善一切經音義卷二十三卷二十五並引小爾雅庸善也

荐重也

荐者爾雅釋言云荐再也又釋天云仍饑爲荐大雅雲漢饑饉薦臻傳云薦重也易坎水洊至釋文引劉注云洊仍也又震象傳洊雷疏云洊者重也薦洊並與荐同登升也

爾雅釋詁登陞也陞古字只作升

勵勉也

赫顯也

赫者大雅生民以赫厥靈傳云赫顯也

躔是也

躔者說文云躔是也洪範五者來備史記作五是來備後漢書荀爽傳云五躔咸備章懷注云躔是也

丕莊也

丕者說文云丕大也案莊與壯通衛太史柳莊漢書古今人表作柳壯方言云奘大也秦晉之間凡人之大謂之奘或謂之壯爾雅釋言云奘駟也郭璞注云今江東呼大爲駟猶麤也說文云奘駟大也

佞才也

佞者成十三年左傳寡人不佞論語疏引服注云佞才也又皇侃論語疏云佞巧調高材也材與才通

暨息也

舊注民之攸暨

暨者大雅嘉樂民之攸暨傳云暨息也疏引爾雅釋詁咽息也某氏曰詩云民之攸暨郭璞曰今東齊呼息爲咽則暨與咽古今字也惠定宇曰說文暨仰塗也非休息之謂又說文口部引詩云犬夷咽矣東夷謂息爲咽正義以暨與咽爲古今字未知何據玉篇云屨息也今爲慙屨與暨字相似假樂詩暨字當作屨或古字假借

以壑爲屨案玉篇屨下並不引詩未可以詩壑字爲屨之假借此又訓暨爲息者儀禮士喪禮塗不暨於棺釋文云暨劉本作壑蓋咽既借作壑壑又通作暨耳

話善也

話者說文云話合會善言也大雅抑傳云話言古之善言也爾雅釋話云話言也書疏引舍人注云話政之善言也又引孫炎注云話善人之言也文六年左傳著之話言十八年傳不知話言注並云話善也

愿謹也

愿者說文云愿謹也考工記弓人則莫能以愿中注云

愿慤也說文云慤謹也

丰豐也

丰者說文云艸盛𠂔𠂔也從𠂔上下達也鄭風子之丰兮傳云丰豐滿也案豐說文但以爲象形字惟儀禮大射儀鄭注云豐字從豆曲聲但說文無曲字惟古文彗从豆从二丰疑此字不止象形直取丰盛之義亦并取丰聲也

都盛也

都者鄭風有女同車云洵美且都傳云都閑也鄭箋以閑爲習然閑亦有盛義廣雅釋訓云閑閑盛也故都亦

爲盛又廣雅都與敦並訓大蓋一聲之轉孫炎注爾雅
敦牂又訓爲盛故都亦可訓盛與文選上林賦妖冶嫺
都李善注引小爾雅曰都盛也史記司馬相如傳索隱
引同

腆厚也

腆者說文云設膳腆腆多也方言云腆厚也

肆緩也

肆者淮南精神訓縱體肆意高誘注云肆緩也

競逐也

競者大雅桑柔執競用力箋云競逐也漢書五行志注

引晉灼云競走曰逐

紀基也

紀者秦風終南有紀有堂傳云紀基也國語晉語蔽兆之紀韋昭注云紀經也爾雅釋言云基經也

基教也

今本基下多忌字疑是爲基字作音傳寫誤爲正文

基者宣二年左傳楚人基之脫扃杜注云基教也文選西京賦人基之謀薛綜注同說文卑舉也从卅由聲春秋傳曰晉人或以廣隊楚人卑之黃顛說廣車陷楚人爲舉之案今左傳作基杜注訓教者蓋以基爲認之假借說文認誠也誠與教義略同

愁願也

愁者國語晉語敢歸諸下執政以愁御人又愁庇州犁
焉又楚語吾愁置之於耳韋昭注並云愁願也說文愁
一曰說也說即可願之義又說文甯所願也亦與愁聲
近而義同小雅十月之交不愁遺一老釋文引爾雅愁
願也今爾雅無之蓋卽小爾雅文近本愁誤作整今訂

正

愁強也

小雅十月之交不愁遺一老箋云愁者心不欲自彊之
詞也釋文引爾雅愁強也蓋亦用小爾雅文案愁訓願

又訓強者古訓多有相反者以徂爲存以亂爲治之類是也愁近本作憇案昭十二年公羊傳公子整釋文云整一讀爲愁左傳作愁哀十一年傳晉悼公子愁亡在衛釋文云愁一本作整是愁與整字相涉易亂故上文愁誤作整俗整字作憇故此又誤爲愁耳今訂正又案詩十月釋文引爾雅愁且也是小爾雅於愁字本有三訓今本脫此條耳說文愁下一曰甘也玉篇甘作且爲是

薄迫也

薄者釋名云薄迫也單薄相逼迫也文選海賦西薄青

徐李善注引小爾雅曰薄迫也一切經音義卷二十卷

二十三並引小爾雅薄迫也

燂炊也

舊注左氏
燂之以薪

燂者說文云燂炊也逸周書周祀解火之燂也孔晁注
云燂然也然火所以炊也

資取也

質信也

質者說文云質以物相贅是所以爲信也襄九年左傳
要盟無質服注云質誠也

餼饋也

案餼說文作氣云饋客芻米也桓六年左傳齊人饋之
餼哀十二年傳地主歸餼歸與饋古字通

憑依也

憑本作凭書顧命憑玉几說文几部引作凭云凭依几
也文選西京賦察雲師之所憑登樓賦憑軒檻以遙望
寡婦賦猶依依以憑附陸士衡苦寒行猛虎憑林嘯李
善注並引小爾雅曰憑依也

藉借也

藉者周禮甸師掌帥其屬而耕耨王藉注云藉之言借
也風俗通祀典云古者使民如借故曰藉田宣十二年

左傳敢藉君靈注云藉猶假借也

際接也

際者爾雅釋詁云際捷也郭璞注云捷謂相接續也古捷接字通際又通作瘵易豐天際翔也釋文引鄭注際當爲瘵小雅菀柳無自瘵焉箋云瘵接也

闕限也

闕者說文云闕外閉也後漢虞詡傳注云闕與礙同一切經音義云闕郭璞以爲古文礙字法言問道篇礙諸以禮樂李軌注云礙限文選西京賦隔闕華戎文賦恢萬里而無闕李善注引小爾雅曰闕限一切經音義卷

六引小爾雅闕限也

廬寄也

廬者說文云廬寄也秋冬去春夏居釋名云寄止曰廬
一切經音義卷九引小爾雅廬寄也

萃集也

萃者易雜卦傳萃聚也聚與集同方言云萃集也

造倅也

造者昭十一年左傳僖子使助遠氏之造杜注云造副
倅也釋文引說文造从艸作造列女傳云趙簡子將渡
河用楫者少一人津女娟攘袂卷楫而請曰妾願備持

楫簡子造之是也又淮南子汜論訓云今夫儻載者爲
轅軸之折也又加轅軸其上以爲造造與造通

尤怪也

尤者昭二十一年左傳張句尤之杜注尤怪也

曹慚也

曹者國語晉語臣得其志而使君曹韋昭注云曹慚也
襄十四年左傳亦無曹焉注云曹悶也文選魏都賦有
覩曹容劉淵林注云曹愧也

索空也

索者昭十二年左傳疏引張平子說云八索周禮八議

之刑索空空設之案索通作素釋名釋典藝云八索素
素也昭十二年左傳釋文云索本作素魏風伐檀不素
餐兮傳云素空也

素故也

素者儀禮喪服傳飯素食注云素猶故也謂復平生時
食也一切經音義卷二十四引小爾雅固亦故也案亦
字衍今本此條脫固字

視比也

視者孟子受地視侯趙岐注云視比也

徨往也

案隍本作皇國策魏策以臨彷徨淮南子作方皇小雅
楚茨先祖是皇箋云皇睢也信南山先祖是皇箋云皇
之言往也魯頌泂水烝烝皇皇箋云皇皇當作睢睢案
睢睢猶往往也

矜惜也

狃怵也

一狃者說文云狃犬性驕也徐鍇繫傳本作犬性怵也案
說文無怵字當作慄心部云慄習也張揖雜字怵音叟
是也桓十三年左傳莫敖狃于蒲騷之役杜注狃怵也
國語晉語得國而狃韋昭注云狃怵慣習也爾雅釋言

徂復也疏引孫炎注云徂怵前事復爲也文選西京賦
心侈體怵李善注引小爾雅曰徂怵也西征賦怵淫嬖
之匈忍注又引小爾雅曰怵怵也案怵與徂同怵與怵
同

覲望也

覲者文選登樓賦注引國語賈注云覲望也案覲與冀
同國語魯語吾冀爾朝夕修我韋昭注云冀望也禮記
文王世子注大夫勤於朝州里驢於邑韓勅碑莫不驢
思歎印驢亦與覲同一切經音義卷二十五引小爾雅
覲望也

何任也

何者商頌烈祖百祿是何傳云何任也爾雅釋天何鼓
謂之牽牛釋文引小爾雅云何任也一切經卷二十四
引小爾雅何任也

御侍也

御者周禮春官御史儀禮大射儀士御於大夫注並云
御猶侍也

殿填也

殿者小雅采菽殿天子之邦傳云殿鎮也釋文殿填也
東山箋云古聲寘填塵同漢書五行志填星卽鎮星也

蕭何傳填撫諭告杜欽傳填撫四夷皆以填爲鎮周語
是陽失其所而鎮陰也史記周本紀作填是也案填近
刻譌作慎今訂正

選擇也

宣示也

